

et in mior levata. Et visto el signor non haver ottenuto nè l' una nè l' altra cossa, rechiese el capetanio, el ge promettesse sopra la sua fede de non se partir de li fin 8 zorni, che *interim* el scriverea al Cajero, et procureria farli dar bona licentia; et cussi el capetanio li promesse et osservò, non solamente de 89 zorni 8, ma de piu de 18. Et vedendo ultimamente esso capetanio, che licentia alcuna non li era stà data, et che el consolo et mercadanti erano im preson et in cadene al Cajero; et che per danari i haveano procurator trovar, i non haveano posuto contentar el soldan, qual li manzava cazar dil paexe, et voler altra nazione, senza che nostri fese li merchadantia; et visto che l' era gran morbo in Alexandria, et morto assai de i nostri in terra, et *etiam* principiado sopra 88 le galie, essendo stà tanti mexi, deliberò finalmente partirse et non aspetar altra licentia. Et fata tal deliberatione, per bona via et spie, esso capetanio fo informato, che el signor soldan voleva al tuto prender le galie im porto, et questo, sì con el bersajar de le sue bombarde del Farion, come *etiam* con el favor de alcune nave de forestieri, era a Bechieri, co le qual el signor soldan havea tramato di farle venir in bocha di porto, a combater et expugnar esse galie, facendo opinione de haver auto ne le man sue le facultà et persone dei mercadanti nostri, et *etiam* le galie et marineri de la Signoria nostra. De che el capitano prudentissimamente, inanzi venise ditte nave, con vento scarso dete la vella di porto, et cussi feze dar a le altre sue conserve. Et perchè el vento non li serviva, convene dimorar qualche spazio di tempo, sì che el castello potè discargar tute sue bombarde et artilarie, za molti zorni ordinate a questo fin, perchè di et nocte stavano con guarda, che, come i vedeva far cegno al capetanio di movesta, subito i discargasse le sue artilarie. Et cussi a di 15 mazo, che fu dita partita, i bombardono le galie nostre dite et dannizole, *maxime* che i rompete quasi l' alboro de la galia Trivisana. A l' incontro el capetanio et nostre galie, che haveano bone pasavolante, cortaldi et altre bone artelarie, a zìò che a' nostri non fosse imputado causa di questo eror, non discargò colpo alcuno, ma con l' ajuto de Dio ussite fuora libere. Et perchè el capetanio vedeva el ditto arboro esser im pericolo, andò a Bechieri per darli conzo, et li trovò do nave 89* francese, li patroni de le qual feze asaper al ditto capetanio, come erano stà provocati dal soldan, et dal suo consolo Filippo da Paretollo, era al Cajero, che le dovessero venir a' danno de le galie, *ut supra* et mostroli letere di tal ordine, *unde*, vedendo el capetanio la mala volontà havea el soldan sopra la

nazione nostra, partito da Bechieri andò in Cypro, et poi in Candia, a far saper quello era seguito, a zìò quelli volesse navigar in quele parte fosseno cauti, et venesene poi a salvamento in questa terra.

Partite le galie, subito fo dato aviso al soldan, per i suo' de Alexandria, del partir de esse galie, per la qual cossa subito i restanti marchadanti in Alexandria feze condur al Chajero, et meter quelli in cadene et prexon a presso el consolo, et li altri che erano li, facendo bolar li magazeni et camere de tuti; et *similiter* mandò comandamento a Damasco, et tuta la Soria, fosse bollate le robe et magazeni, *ut supra*, et mandati al Cajero tuti consoli et merchadanti. Ma esso comandamento non fu del tuto exequito ne la Soria, ma ben hanno fato bollar li magazeni et robe, et non mosse le persone. In questo tempo, essendo andate le nave de Soria, per discargar a quelle marine, subito che le zonse, li fezeno bona ciera, et lassato levar zenere et drogare de pocho momento, a zìò i se fidasseno a discargar le merze et danari per gran vajuta, et cussi dite nave discargò, le qual robe subito, de comandamento del soldan, fo messe soto bolla come le altre.

L' è poi seguito al Cajero, che atrovandose el consolo, *videlicet* sier Alvixe Contarini, et merchadanti, in quele strete, in tempo de morbo, esso consolo, et el forzo di mercadanti nostri, sono morti da peste; il che è processo da questa indebita retentione; el resto veramente dei merchadanti sono ancor in zime retenui.

Vi habiamo fin qui narato particolarmente, et subicesivamente, come è successe le cosse de li, a caxon intendiati bene li forzi et pessimi trattamenti à auto la nation nostra, la qual questi ultimi anni ne à auto de li altri, che se hanno suportà, ma questi presenti sono stati intollerabel; et di quanto vi habiamo ditto tuto è con ogni verità, nè puoleno ad alcuna parte contradir.

Restane darve informazion de quelle provision 90 piu nezzessarie si à a far, per conservazion de li marchadanti nostri, et è anche bene di esso soldan; e prima zerchereti per conto (*sic*) Maraba queste cosse vi siano confirmade, le qual, e de le altre li pareran *etiam* nezzessarie, per el consolo nostro, et merchadanti, vi sarano aricordade, *videlicet*:

Primo: Che li merchadi farano i nostri merchadanti con mori, scripti d' acordo ne la doana del Gaban, i siano inrevocabelmente observadi, nè possi quelli per alcuno esser roti; et de questo è da farne gran instantia, perhò che li nostri fazeano li merchadi, et se quelli veniva con alcun danno de' mori,